



Newsletter

of the WFTU Peoples' Coordinating Committee

Abril 2025

NO A LO REARME, LA MILITARIZACIÓN D'EUROPA Y LAS GUERRAS IMPERIALISTAS



Coordinadora de los Pueblos de la FSM

COS Països Catalans, CSI Asturies, CUT Aragón, CUT Galiza, IAC Catalunya, Intersindical Canaria, Intersindical Catalana, Intersindical Valenciana, LAB Euskal Herria, SAT Andalucía.

La FSM estió naixida l'anyo 1945, fa 80 anyos, cuan remataba la II Guerra Mundial, como exprisión unitaria d'ó movimiento sindical contra la guerra, y en defensa d'a chusticia social, la igualdat entre hombres y mullers y lo dereito d'autodeterminación d'os pueblos. No cal olvidar que aquella guerra, cismiada intencionadament per l'anglucia d'acumulación d'ó capitalismo, estió fornida dende la fin d'os anyos vinte d'ó zaguer sieglo, mediant la invención y subvención d'ó faixismo. Dimpués de ueito decadas y cuan las alianzas entre dreita y extrema dreita son chafutiando los dreitos fundamentals, lo declarau per la Federación Sindical Mundial aquel 3 d'octubre de 1945 continuaestando actual y lechitimo de raso.

**THE PARIS CONGRESS
THE BIRTH OF THE W.F.T.U.**

3 October 1945



From right to left :Giuseppe di Vittorio (Italy), Louis Sallant (France), Walter Citrine (Great Britain), Phillip Murray (USA) and M. Tarasov (USSR). Standing in the centre is Vicente Lombardo Toledano (Mexico)



Hue, cuasi un sieglo dimpués, la crisi ecolochica se fa present en los conflictos politicos, sindicals y socials y las buegas biofisicas d'ó planeta son cada vez mas caboliosas. Isto conleva que lo sistema capitalista y la suya insaciable necesitat d'acumulación de capital, cismie y empente conflictos per lo control d'os recursos naturals entre los grands actors d'ó mundo, per lo control d'os recursos naturals. Donald Trump no ye varrenau ni guaire menos, ye chugando lo papel que le pertoca cuan a lo capital se l'estorba la suya primer opción. Pero no cal trafucar-se, la extrema dreita representada per los Trump, Meloni, Milei, Abascal u Orban, u la dreita extrema representada per

Ursula Von Der Leyen, son lo bel par de caras d'una mesma moneda.

La clase treballadera nos preguntamos cual ye ixé atro capitalismo, ¿lo d'a OTAN?, ¿lo d'a Unión Europea?, y clarament hemos de responder que son las partes d'un mesmo tot. Charremos claro y raso, no s'empenta una politica fiscal de redistribución d'a riqueza. Amás, ninviar mas diners a la industria armamentistica suposará una retallada d'ó gasto social, un debilitamiento d'os servicios publicos y una mayor precarización. Pareixe que Washington pretende deixar de financiar la defensa y la seguridad d'Europa y pretende rematar con la guerra d'Ucrania priorizando la guerra economica contra China. Busca un acuerdo a escape con Rusia, excluyindo-ne a los que dica agora yeran los suyos lacayos europeus y fendo un poder per un acuerdo que le regale los recursos naturals d'Ucrania. Mientras lo Kremlin y la Casa Blanca negocian, en l'Europa d'ó Capital -la mayoría de l'arco parlamentario, dende amplos sectors d'a social-democracia dica lo faixismo- desfienden lo rearme en nombre d'a suposada seguridad y defensa, en beneficio d'a industria armamentistica y en detrimento d'a clase treballadera y mas que mas los colectivos mas vulnerabilizaus como son las mullers y las personas migradas. Ista situación, escenificada en los arancels imposaus per Washington, ubre un escenario nuevo de raso; Relaciones





cordials d'a Casa Blanca con lo Kremlin, guerra comercial contra China y la resta d'o mundo, y prebar de dividir Europa. Pa ixo no dandaliará pa incentivar y articular relaciones y negociacions bilaterals con los Estaus. Tanimientres, la respuesta d'a Comisión Europea ye continuar caminando irresponsablemente enta una nueva corrida armamentística que no tiene per fin la democracia, la chusticia, la paz y la libertat, sino mas bien a la inversa. La peligrosidad d'iste escenario ye que si lo tampionazo entre la belicista Europea y Donald Trump se fa realitat, parando cuenta qui ye lo chefe d'a OTAN y qui obedeixe, seríanos devant d'o riesgo d'una posible III Guerra Mundial.



La inversión programada per la Unión Europea supera los 800.000 millones d'euros, afirmando que pa conseguir iste presupuesto estudian medidas de flexibilidad pa lo deficit d'os estaus miembros. Nomás hemos de fer acordanza d'a crisis que continuó a las subprimes y las prohibicions d'aumentar los deficits nacionales pa paliar las consecuencias sociales d'ixa crisis (nos puya ta lo tozuelo la reforma exprés de l'artículo 135 d'a "intocable" Constitución Espanyola) y quitaremos la siguiente consecuencia: rai las personas, no importan que las industrias armamentísticas imperialistas pa acumular diners. Podemos también preguntar-nos qui va a pagar ixo deficit, ¿serán los bancos?, evindetement seremos nusatras, la clase treballadera y las clases populares.

Dende la Coordinadora d'os Pueblos d'a FSM somos conscientes que somos en luita, pero no en las suyas guerras imperialistas, sino en la luita de clases. Entendemos lo mundo dende la cosmovisión d'os pueblos y la suya clase treballadera, no dende la perspectiva de l'enemigo. Nomás dende procesos populares con consciencia de clase podremos conseguir cambios políticos y sociales que nos leven a una transición eco-social chusta y feminista.

Ista traza d'entender lo mundo ye de raso opuesta a las políticas imperialistas d'as elites d'a UE, liderada per Úrsula Von der Leyen chunto con la dreita extrema, la social democracia y lo neofaixismo u extrema dreita.

Per tot isto, dende la Coordinadora d'os Pueblos d'a Federación Sindical Mundial queremos transmitir lo siguiente:

-
- Refusamos lo plan ReaArmEurope porque nomás trayerá consecuencias negativas pa nusatros y nusatras, mas guerras, mas deudas y mas retalladas.
 - Exichimos la desaparición d´a OTAN, los presupuestos militares y todas las alianzas militares.
 - Metemos enfasi en la fin d´a invasión chenocida de Palestina y la fin d´a escalada belicista en Ucrania.
 - Fa falta y ye urchent un cambio de paradigma integral que se impone a lo belicismo imperant en Europa. Ye sobre important, per un costau, empentar culturas diplomaticas de paz y de dialogo como mecanismo de resolución d´os conflictos politicos, y per l´atro costau, unas nuevas relacions internacionales construyidas dende lo respeto a toz los dreitos de toz los pueblos y todas las personas. La clase treballadera ha de meter en l´eixe d´o suyo análisis lo contexto belico a lo que nos ye levando lo capitalismo porque las suyas consecuencias serán una esferra pa la paz y pa la chusticia social.

